



CONVENIO DE COLABORACIÓN ENTRE A AXENCIA GALEGA DE INFRAESTRUTURAS E A FEDERACIÓN GALLEGA DE LA CONSTRUCCIÓN PARA O INTERCAMBIO DE INFORMACIÓN EN MATERIA DE CONTRATACIÓN PÚBLICA E DO SECTOR DA CONSTRUCCIÓN CIVIL.

Santiago de Compostela, 6 de marzo de 2018

REUNIDOS

Dunha parte, Ethel Ma Vázquez Mourelle, presidenta da Axencia Galega de Infraestructuras, en virtude das facultades que lle atribúe o artigo 9.2.a) do Decreto 173/2011, do 4 de agosto, polo que se aproba o estatuto da Axencia Galega de Infraestructuras.

Doutra parte, Hipólito Trinidad Losada, presidente da Federación Gallega de la Construcción, facultado para a formalización deste convenio en virtude das competencias que lle atribúe o artigo 31 dos seus estatutos.

Ambas as dúas partes recoñécense mutuamente na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto

EXPOÑEN

Primeiro. A Axencia Galega de Infraestructuras ten entre os seus obxectivos o impulso, a coordinación e a xestión da política autonómica en materia de estradas e, para tales efectos, correspóndelle, entre outros, a planificación e construción das estradas que sexan de competencia da Comunidade Autónoma de Galicia.



Segundo. O artigo 13.3 i) do Decreto 173/2011, do 4 de agosto, polo que se aproba o estatuto da Axencia Galega de Infraestruturas, recolle como función da dirección da axencia a elaboración dun informe anual sobre a súa actuación e xestión.

Terceiro. A Axencia Galega de Infraestruturas é un dos órganos de contratación do sector público autonómico que máis incidencia ten no sector da construción de obra civil, posto que a maior parte do seu orzamento destínase a obras de construción de infraestruturas.

Cuarto. A Federación Gallega de la Construcción leva 30 anos realizando o seguimento da contratación da obra pública na Comunidade Autónoma de Galicia, recollendo a información dende o inicio do procedemento de contratación ata a súa adxudicación e posterior formalización, polo que dispón dunha base de datos en materia de obra pública que podería ser de gran utilidade para o desenvolvemento das funcións da axencia. Así mesmo, proporciona asistencia xurídica e técnica ás empresas construtoras e ten unha imaxe fidedigna da situación do sector.

Quinto. En consecuencia, considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións entre a Axencia Galega de Infraestruturas e a Federación Gallega de la Construcción. Para o fin mencionado, formalízase o presente convenio con suxeición ás seguintes

CLÁUSULAS

PRIMEIRA. OBXECTO

O obxecto deste convenio é establecer as bases para a colaboración entre a Axencia Galega de Infraestruturas e a Federación Gallega de la Construcción para o intercambio da información necesaria para o desenvolvemento dos traballos da Axencia, así como ter un maior coñecemento do sector da construción civil que redunde nunha mellora e axilización dos procedementos da Axencia.



SEGUNDA. COMPROMISOS DA FEDERACIÓN GALLEGA DE LA CONSTRUCCIÓN

A Federación Gallega de la Construcción comprométese a achegar toda a información da que dispoña sobre licitación de obra pública que poida resultar de utilidade para o desenvolvemento das funcións propias da Axencia Galega de Infraestructuras, así como toda a información que resulte pertinente en relación o sector da construción civil. O acceso á información facilitaráselle a AXI no momento no que sexa requirido.

Así mesmo, a Federación deberá expedir a documentación acreditativa pertinente onde se consigne o importe que deba satisfacer a Axencia, nun único pago, dentro dos tres meses seguintes á sinatura do presente convenio.

TERCEIRA.- COMPROMISOS DA XUNTA DE GALICIA

A Xunta de Galicia, a través da Axencia Galega de Infraestructuras, asume o compromiso de contribuír economicamente coa Federación Gallega de la Construcción co fin de facilitar a execución desta actividade, destinando para iso ata un máximo de **DEZ MIL TRESCENTOS VINTE EUROS (10.320,00 €)**, IVE engadido de ser o caso, con cargo aos orzamentos do ano 2018, aplicación 08.A1.512B.640.1, código de proxecto 2007-00282.

A cantidade sinalada aboarase á Federación Gallega de la Construcción nun único pago.

CUARTA.- COMISIÓN DE SEGUIMIENTO

Constituirase unha comisión de seguimento formada por un representante da Axencia Galega de Infraestructuras e un representante da Federación Gallega de la Construcción. As súas funcións, entre outras, serán as seguintes:



-Impulsar e avaliar o cumprimento do presente convenio naqueles aspectos técnicos obxecto deste, propoñendo as actuacións que se consideren precisas.

-Propoñer a interpretación, en caso de dúbida, do contido do presente convenio.

-Propoñer ás partes a resolución das posibles controversias que puideran xurdir na aplicación do convenio.

Esta comisión reunirse as veces que se estimen oportunas para o cumprimento do presente convenio. En todo caso a solución das incidencias estará condicionada polas limitacións orzamentarias indicadas na cláusula terceira.

QUINTA. NATUREZA DO CONVENIO

Este convenio ten natureza administrativa e regularase polo establecido no presente convenio e, supletoriamente, polos principios do Real decreto legislativo 3/2011, do 14 de novembro, polo que se aproba o texto refundido da Lei de contratos do sector público, consonte o establecido no artigo 4.2 da antedita lei.

SEXTA.-MODIFICACIÓNS DO CONVENIO

As modificacións formalizaranse mediante *addenda*, cos mesmos requisitos e condicións que para a aprobación do convenio.

SÉTIMA. INTERPRETACIÓN E INCUMPRIMENTOS

1.- As dúbidas que se presenten na súa interpretación, en caso de discrepancia, serán resoltas, visto o informe da Comisión de Seguimento, pola presidenta da Axencia Galega de Infraestructuras, poñendo así fin á vía administrativa.



2.- Serán causas de extinción deste convenio:

- O non cumprimento do seu obxecto.
- A inviabilidade da realización das actuacións descritas neste convenio, por causas non imputables ás partes.
- O incumprimento de carácter total ou parcial de calquera das cláusulas do presente convenio. Entenderase por incumprimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas no presente convenio.
- Denuncia por causas de interese público, a instancia de calquera das partes.

Cada unha das situacións descritas por si soa é causa suficiente de rescisión do convenio.

OITAVA. VIXENCIA DO CONVENIO

Este convenio terá efecto dende a súa sinatura ata o 31.12.2018

En proba de conformidade asinan por triplicado no lugar e data indicados no encabezamento

A presidenta da Axencia Galega de
Infraestructuras

O presidente da Federación Gallega de
la Construcción

Ethel M^a Vázquez Mourelle

Hipólito Trinidad Losada